



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԱՐՄԱՎԻՐԻ ՄԱՐԶՊԵՏ**

Ո Ր Ո Շ ՈՒ Մ

<< 18 >> *Հայտարարություն* 2014թ.

N *226*

ք. Արմավիր

**ՀԱՅԿԱԿԱՆ ԱՏՈՄԱՅԻՆ ԷԼԵԿՏՐԱԿԱՅԱՆԻ ԱՐՏԱՆԱԽԱԳԾԱՅԻՆ ՎԹԱՐԻ
ԴԵՊՔՈՒՄ ԲՆԱԿՉՈՒԹՅԱՆ ՊԱՇՏՊԱՆՈՒԹՅԱՆ ՄԻՋՈՑԱՌՈՒՄՆԵՐԻ
ԻՐԱԿԱՆԱՑՄԱՆ ՎԵՐԱԲԵՐՅԱԼ**

Ղեկավարվելով «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքի 15-րդ հոդվածով, Հայաստանի Հանրապետության կառավարության 2005 թվականի դեկտեմբերի 22-ի N 2328-Ն որոշման պահանջներով, հիմք ընդունելով Հայաստանի Հանրապետության Արմավիրի մարզի արտակարգ իրավիճակների հանձնաժողովի 2014 թվականի նոյեմբերի 18-ի N 2 որոշումը՝ Հայաստանի Հանրապետության Արմավիրի մարզի բնակչության պաշտպանության միջոցառումների իրականացման նպատակով.

ո Ր Ո Շ ՈՒ Մ ԵՄ՝

Հանձնարարել՝

1. Մարզային փրկարարական վարչությանը՝
 - 1) կազմակերպել ՇՊՄՊ գոտու համայնքների բնակչության ազդարարումը.
 - 2) կազմակերպել համահավաք հակահրդեհային ջոկատների ծավալումը և պատրաստ լինել ՆՊՄԻ գոտում հրդեհային անվտանգության ապահովմանն ու փրկարարական աշխատանքների իրականացմանը:
2. ՇՊՄՊ գոտու համայնքների, ձեռնարկությունների, կազմակերպությունների ղեկավարներին՝ կազմակերպել բնակչության և անձնակազմի պաշտպանության միջոցառումների իրականացումը (ԱՊՄ բաշխում, պատսպարում, վահանաձև գեղձի արգելափակում):
3. ՆՊՄԻ գոտու համայնքների, ձեռնարկությունների, կազմակերպությունների ղեկավարներին՝
 - 1) անցնել պաշտպանված կառավարման կետեր և բնակչության և անձնակազմի պաշտպանության միջոցառումների կառավարումն իրականացնել այնտեղից.
 - 2) իրականացնել Մեծամոր քաղաքի և Արշալույս, Ակնալիճ, Մայիսյան, Ֆերիկ գյուղական համայնքների բնակչության տարահանում.
 - 3) տարահանումը սկսել ժամը 14.00-ից.
 - 4) ազդարարել տնտեսության օբյեկտների, համատիրությունների, կազմակերպությունների, ձեռնարկությունների ղեկավարներին և բնակչությանը՝ տարահանման միջոցառումների սկսման ժամանակի և կարգի մասին:

4. Տարահանվածներին ընդունող էջմիածին քաղաքի և Դոլս համայնքի ղեկավարներին՝
 - 1) ապահովել ժամանող տարահանված բնակչության ընդունումը և տեղաբաշխումը, նրանց աշխատանքի տեղավորումը և համակողմանի կենսաապահովումը.
 - 2) ժամը 14.30-ից իրականացնել տրանսպորտի մատակարարումը՝ տարահանման միջանկյալ և տրանսպորտի իջեցման կետերից բնակչության տեղափոխման համար:
5. Մարզային տարահանման հանձնաժողովի նախագահին՝ ապահովել տարահանման միջոցառումների կազմակերպված անցկացումը և տրանսպորտային մարմինների հետ սերտ համագործակցությունը՝ սահմանված ժամկետներում բնակչության տարահանման իրականացման համար:
6. Մարզային ծառայությունների պետերին՝
 - 1) կազմակերպել ծառայությունների ուժերի ներգրավումը տարահանման միջոցառումների համակողմանի ապահովմանը.
 - 2) ժամ+2ժ-ից ձեռնարկել բնակավայրերից նյութական արժեքների դուրս բերումը հատուկ նշանակության տրանսպորտով, այդ նպատակին ներգրավելով նաև տարահանման միջոցառումների անցկացման մեջ չներգրավված տրանսպորտը:
7. «Հարավ-Կովկասյան երկաթուղի» ՓԲԸ Արմավիրի բաժանմունքի պետին՝ կազմակերպել Արմավիր քաղաքի բնակչության հնարավոր տարահանման նպատակով, ժամ+2ժ-ից տարահանման նստեցման կետ երկաթուղային տրանսպորտի մատակարարումը և սահմանված ժամկետներում բնակչության տեղափոխման ապահովումը:
8. Բժշկական ծառայության պետին՝ կազմակերպել տարահանման միջոցառումների բժշկական ապահովումը:
9. Հասարակական կարգի պահպանման ծառայության պետին՝ տարահանման (ընդունման), հավաքակայաններում (միջանկյալ կետերում), նստեցման, իջեցման կետերում, տարաբնակեցման վայրերում ապահովել հասարակական կարգի պահպանումը և տարահանման երթուղիներում երթևեկության կարգավորումը:
10. Առևտրի և սննդի ծառայության պետին՝ մինչև ժամ+6ժ-ը տարաբնակեցման շրջաններում ուժեղացնել առևտրի և հասարակական սննդի կետերի ցանցերը, դրանք ուժեղացնել տարահանվող բնակավայրերից դուրս բերվածների հաշվին:
11. Սույն որոշմամբ նախատեսված տարահանման միջոցառումների իրականացման մասին զեկույցները տրամադրել յուրաքանչյուր 2 ժամը մեկ:
12. Սույն որոշումն ուժի մեջ է մտնում ընդունման պահից:

ՄԱՐԶՊԵՏԻ ՊԱՇՏՈՆԱԿԱՏԱՐ՝



Լ. ՄՈՒՐԱԴՅԱՆ